

Aye Mere Dil Yahaan

Rafi

na ro tu yahaan aise pagala kaheen ka
museebat ko apne gale se laga le
tere gam ki duniya tujhe de gae hain
yahaan se vahaan rooth kar jaane vaale

aye mere dil yahaan tu akela nahi
aur bhi hain bahut gam ke maare hue -2
aye mere dil yahaan ...

har qadam par yahaan har mod par
gam ki ik daastan (kah rahi har nazar) -2
kitani bechainiyaan rah ke kaamosh bhi
de rahi hain sada bin pukaare hue
aye mere dil yahaan ...

pyaar jisane kiya usako paagal kaha
apani duniya mein ye (zulm hota raha) -2
saikadon baar ye khel khela gaya
saikadon baar aise nazaare hue
aye mere dil yahaan ...

aise insaan bhi maine dekhe kai
maut jinake lie zindagi ban gai
jinaki aahon se hai (goonjati ye fiza) -2
jinake aansu gagan ke sitaare hue
aye mere dil yahaan ...